

სსიპ კოლეჯი მოდუსის პროფესიულ სტუდენტთა ექსკურსიების განხორციელების წესი

1. სსიპ კოლეჯი მოდუსის პროფესიულ სტუდენტთა ექსკურსიების განხორციელების წესი (შემდგომ – წესი) განსაზღვრავს კოლეჯის სტუდენტთა ექსკურსიების დაგეგმვის, განხორციელების, აგრეთვე სტუდენტების, მათი წარმომადგენლების, პროფესიული განათლების მასწავლებლების და ექსკურსიის განხორციელებაში მონაწილე პირთა უფლება-მოვალეობებს და პასუხისმგებლობებს.

2. ეს წესი ვრცელდება კოლეჯისა და სტუდენტთა/წარმომადგენელთა მიერ არასაგაკვეთილო დროს ორგანიზებულ ექსკურსიებზე.

3. წესში გამოყენებულ ტერმინებს ამ წესის მიზნებისთვის აქვს შემდეგი მნიშვნელობა:

ა) ექსკურსია – კოლეჯის მიერ გასართობი, შემეცნებითი-სასწავლო მიზნებისათვის არასაგაკვეთილო დროს განხორციელებული აქტივობა, რომელიც მოიცავს სტუდენტთა, სტუდენტთა წარმომადგენელთა და პროფესიული განათლების მასწავლებელთა ტრანსპორტით გადაადგილებას მათ მიერ განსაზღვრულ ლოკაციაზე კანონმდებლობით დადგენილი წესის შესაბამისად.

ბ) ექსკურსიის ორგანიზატორი – სრულწლოვანი პირი, რომელიც ორგანიზებას უწევს ექსკურსიას. ორგანიზატორი შესაძლებელია იყოს სტუდენტური კავშირის წარმომადგენელი, პროფესიული განათლების მასწავლებელი ან კოლეჯში დასაქმებული სხვა პირი;

გ) ექსკურსიის ხელმძღვანელი – სრულწლოვანი პირი, რომელიც უშუალოდ მონაწილეობს კონკრეტულ ექსკურსიაში და პასუხისმგებელია მგზავრობის პროცესში და ექსკურსიის ლოკაციაზე მოსწავლეთა უსაფრთხოებაზე. ექსკურსიის ხელმძღვანელი შესაძლებელია ამავდროულად იყოს ექსკურსიის ორგანიზატორი;

დ) პროფესიული სტუდენტი – პირი, რომელიც საქართველოს კანონმდებლობით დადგენილი წესით ირიცხება კოლეჯში პროფესიულ საგანმანათლებლო პროგრამაზე;

ე) სტუდენტის წარმომადგენელი – მშობელი, მეურვე ან სხვა კანონიერი წარმომადგენელი;

ვ) არასაგაკვეთილო დრო – ამ წესის მიზნებისთვის კალენდარული დღე, რომელშიც არ მიმდინარეობს საგაკვეთილო პროცესი.

4. წესში გამოყენებულ სხვა ტერმინებს აქვს საქართველოს კანონმდებლობით განსაზღვრული მნიშვნელობა.

მუხლი 2. ექსკურსიის ორგანიზატორისა და ხელმძღვანელის მოვალეობები

1. ექსკურსიის ორგანიზატორი/ხელმძღვანელი პასუხისმგებელია მგზავრობის პროცესში და ექსკურსიის ლოკაციაზე მოსწავლეთა უსაფრთხოებაზე, რისთვისაც იგი გამოითხოვს და კოეჯის დირექტორს/დირექტორის მოვალეობის შემსრულებელს ექსკურსიამდე არანაკლებ 10 დღით ადრე წარუდგენს ტრანსპორტის გამართულობის დამადასტურებელ დოკუმენტს, მძღოლის პირადობის დამადასტურებელი დოკუმენტისა და შესაბამისი კატეგორიის ავტომანქანის მართვის უფლების დამადასტურებელი მოწმობის ასლს, ინფორმაციას ექსკურსიის მიზნების, დაგეგმილი აქტივობების, მონაწილე პირების (მათ შორის, მცირეწლოვნების), პასუხისმგებელი პირების, ექსკურსიის თარიღისა და ლოკაციის შესახებ.

2. კოეჯის დირექტორი/დირექტორის მოვალეობის შემსრულებელი განიხილავს წარდგენილ ინფორმაციას/დოკუმენტებს და იღებს გადაწყვეტილებას ექსკურსიის განხორციელების შესახებ გონივრულ ვადაში.

3. ექსკურსიის ორგანიზატორი ვალდებულია სტუდენტის, მის წარმომადგენელს და ექსკურსიაში მონაწილე სხვა პირებს მიაწოდოს სრულყოფილი ინფორმაცია ექსკურსიის თარიღის, ლოკაციის, დაგეგმილ ღონისძიებათა მიზნების, აქტივობების და მონაწილე და პასუხისმგებელი პირების შესახებ.

4. ექსკურსიის ორგანიზატორს უნდა ჰქონდეს არასრულწლოვანი სტუდენტის მშობლის წერილობითი თანხმობა ექსკურსიაში სტუდენტის მონაწილეობის შესახებ, თუ სტუდენტის წარმომადგენელი არ ახლავს მას ექსკურსიაზე.

5. ექსკურსიაში მონაწილე სრულწლოვან პირთა შორის უნდა იყოს სულ მცირე ერთი ქმედუნარიანი პირი/ექთანი, რომელსაც აქვს პირველადი სამედიცინო დახმარების აღმოჩენის უნარ-ჩვევები ან/და ლიცენზია.

6. ექსკურსიის ხელმძღვანელს სრულყოფილად უნდა ჰქონდეს მონაწილე სტუდენტების და წარმომადგენლების მონაცემები, მათ შორის, ინფორმაცია მონაწილე სტუდენტის სპეციალური საჭიროებების შესახებ.

მუხლი 3. ტრანსპორტირების წესი

- 1.სტუდენტების/წარმომადგენლების და პროფესიული განათლების მასწავლებლების ექსკურსიაზე ტრანსპორტირება უნდა განხორციელდეს კანონმდებლობით დადგენილი მოთხოვნების დაცვით, ფიზიკური ან იურიდიული პირის მიერ იმ სატრანსპორტო საშუალებით, რომელსაც გავლილი აქვს ტექდათვალიერება კანონმდებლობით დადგენილი წესით.
2. სატრანსპორტო საშუალებას უნდა მართავდეს შესაბამისი გამოცდილებისა და სათანადო კატეგორიის მართვის მოწმობის მქონე მძღოლი.
3. სატრანსპორტო საშუალებაში უნდა იყოს განთავსებული პირველადი სამედიცინო დახმარების ჩანთა.
4. მოსწავლეთა ტრანსპორტირებისას მათი კვების მიზნით საკვები პროდუქტების ტრანსპორტირება უნდა ხორციელდებოდეს სანიტარული პირობების დაცვით.
5. შეზღუდული შესაძლებლობის მქონე არასრულწლოვანთათვის ტრანსპორტირება უზრუნველყოფილი უნდა იყოს მათი საჭიროების გათვალისწინებით.

მუხლი 4. პასუხისმგებლობა

ამ წესით გათვალისწინებული მოთხოვნების დარღვევა გამოიწვევს პასუხისმგებლობას საქართველოს კანონმდებლობით დადგენილი წესით.